

Al vëgn lascé al savèi che les **domandes do contribuè y aiüè economics** por l'ativité ordinara tl ann 2015 a uniuns/assoziazions mëss gnì dades jö te comun éina en dedolönesc, 31.03.2015. I modui por la domanda é da ciafè sön la plata internet dl Comun www.comun.sanmartindetor.bz.it o te secretariat de comun. Domandes dades jö do le termo ne vëgn nia tutes en conscidrazion.

PLOANIES DA SAN MARTIN Y LUNGIARÜ

Orar dles mësses sö Oies en la festa de Sant Ujöp Freinademetz
Mercuri, 28 de jenà, dales 20.00 Mëssa (cor de dljia da Lungiarü)
Jöbia, 29 de jenà, dales 16.00 Mëssa solëna, zelehr. P. Sepp Hollweck
(cuartet dl cor de dljia da S Martin) da aldì tl Radio Maria Südt.
Jöbia, 29 de jenà, dales 20.00 Mëssa solëna, zelehr. P. S. H., (cor de dljia da La Val)
Al vëgn dër aconsié da **n'aprofité di iadi por sané dla Diozeja**. Ai é bun organisà y contribuësc al arichimènt dla spiritualité de dōta la cōra.

SAN MARTIN



La ploania da San Martin à la fortüna y la grazia de avèi albü **Sant Ujöp Freinademetz** chilò caplan por dui agn dal 1876 al 1878. Por dōta sūa vita él stè te sū recoré y te sūa oraziun dër tachè a nosc païsc. I orun porchèl se desmostrè reconescèncè tolon pert al triduum ch'i tignun en chësta domènia dan mëssa, en lönesc sèra dales 19.30 y en dedolönesc dales 19.00 dan mëssa.

En jöbia, ai 29 de jenà, vëgnel benedì pro la mëssa di scolars dales 7.30 la **staziun dl tru de meditaziun** che mancià éina sègn "La dërta familia cristiana é un di plü bi valurs sön chësc monn.

LUNGIARÜ

La **corona vëgn da sègn inant dita** dōta intiera la domènia y les festes dan mëssa, porchèl mëtera man 5 menüè dan les 8.00. An dess ciarè da ester por tēp te dljia ch'an ne destürbes nia chi che prëia. - - - - -

Döt le bun a chi che complësc i agn de forà

a San Martin:

Catarina Ferdigg-Moling che nen complësc 88 al 1
Tile Dapunt Pedevilla che nen complësc 80 ai 16
Pire Rives che nen complësc 83 ai 21
Franz Conrater che nen complësc 93 ai 25
Sepl Trebo che nen complësc 85 ai 28

a Lungiarü:

Gino Liotto che nen complësc 82 ai 2
Severina Costa che nen complësc 84 ai 7



Soluziun dl quiz dl'ultima plata.

Le vangele do S. Merch é gnü scrit incèr l'ann 70 do Gejù Crist.

Tl ann B vëgnel lit en gran pert le vangele do San Merch.

Le vangelist Merch intitolëia sūa storia de Gejù: Vangele de Gejù Crist, le Fi de Dî.

Gejù ti dij a Scimun y Andrè: Gnide ca, gnide do a mé!

Do la parabola dl somenadù dij Gejù: Chël che à orëdles da aldì, dess aldì!

Do la mort de Gejù dij le comandant: Veramènter, chësc chestian é le Fi de Dî.

25.1. - 1.2.2015 - nr. 9

Plata dla Cōra

termo por publiché: jöbia dales 20.00 *de San Martin y Lungiarü*

3^a Domènia ia por l'ann B

Merch 1,14-42

Do ch'an à sciurè Jan Batista te porjun,
é Gejù indò jü tla Galilea incundan le vagnele de Dî y dijò:
Le tēp é complì, le règn de Dî é daimprò.

Dede ota y cherdede al vagnele!

Canche Gejù passà sōla spona dl lēch de Galilea, àl odü Scimun y Andrè, le fre de Scimun, che sciurà fora les rëis tl lēch; ai é pesciadus.

Y al ti à dit: Gnide do a mé!


I fajarà fora de os pesciadus de jënt.

Atira ài lascè dailò sūes rëis y ti é jüs do.

Canch'al é jü n toch inant, àl odü Iaco,

le fi de Zebedeus, y so fre Jan; ai é te barca y arjignà ca sūes rëis.

Atira i àl cherdè, y ai à lascè so pere Zebedeus cun sū oras tla barca y ti é jüs do a Gejù.



Tles intervistes d'aldedaincō a porsones importantes ti vëgnel fat n gröm de domandes: Por cì y por cō ëise pa tut chësta dezijiun, ëise pa fat chësc? Chilò à la noëla de Gejù 16 parores, y la cherdada di discepuì é ciomò plü cōrta: 12 parores. Y i cherdà ne respogn gnanca, ai va madër impara. Al ne vëgn nia baié ia y ca. Deache le fà é plü important co le baié. I discepuì arà albü aldì Gejù pordican y "i ti jun do" é stada sūa risposta. "Le tēp é complì" sègn él le tēp da fà cì che va debojègn. nia indoman, o l'edema che vëgn o n'atra ota. "Le règn de Dî é daimprò" de chësc se tràtera y nia de d'ater. Chilò n'él nia da conscidré y da tignì cunt de chësc y de chël. "Dede ota" la vita ne po nia jì do les striares ch'an é ausà; an mëss se lascè ite y vaghè val' de nü. "Cherdede tl vangele" nia sciöche an la mina instësc porvan fora de vigni sort, mo cun la forza dl vangele ciaran sön Gejù.

Ploan: siur Iaco Ploner ploner.jakob@aruba.it
tel.: 333 48 32 765 / 0474 453 003

Redaziun: T. Gasser anton.gasser@rolmail.net
tel.: 348 27 44 517 / 0474 523 194

	SAN MARTIN		LUNGIARÜ
25.1.15 3^a Domènia ia por l'ann B <i>Domènia di mas media</i>	<i>Festa de Sant Ujöp Freinademetz</i> 9.00 Triduum a onù de S. Ujöp Frëinademetz 9.30 Mëssa solëna dla comunité en onù de Sant Ujöp Fr.	25.1.15 Domènia	8.00 Corona 8.15 Gran Mëssa dla comunité en onù de Sant Ujöp Freinademetz
26.1.15 Lönesc <i>Timoteus y Titus</i>	19.30 Triduum a onù de S. Ujöp Freinademetz	26.1.15 Lönesc	
27.1.15 Dedolönesc <i>Angela Merici, Iulian</i>	19.00 Triduum a onù de S. Ujöp Freinademetz 19.30 Mëssa en onù dl Spirit Sant fam. Claudio Moling aniv. Adolf Unterweger	27.1.15 Mertesc	
28.1.15 Dedemesaledema <i>Tomesch d'Aquin</i>	15.00 Mëssa sö Frëina en onù de Sant Ujöp Freinademetz	28.1.15 Mercui	7.50 Mëssa di scholars en onù de Sant Ujöp Freinademetz 3 ^a de sopoltöra de Ivo Sorà + Vito Clara
29.1.15 Jöbia <i>Sant Ujöp Freinademetz</i>	7.30 Mëssa di scholars en onù di Agnui Custodi fam. Paolo Vanzi (de rengraz.) + + Tolpeit, Ju Corona por vocaziuns	29.1.15 Jöbia	
30.1.15 Vëndres <i>Martina, Adelgund</i>	19.00-20.00 Adoraziun eucaristica chîta	30.1.15 Vëndres	7.30 Mëssa + Rudi Moling + Albina Clara
31.1.15 Sabeda <i>Giovanni Bosco</i>	15.30 Mëssa tla Cîasa de Palsa 18.30 Mëssa prefestia aniv. Paul Ploner + + Rita y Roberta Costabiei + Doro Verginer	31.1.15 Sabeda	20.00 Mëssa prefestia aniv. Pire Clara, Mair aniv. Franz Pezzei, Ghestan + Carlo Planatscher
1.2.15 4^a Domènia ia por l'ann B <i>Dé de sconanza dla vita</i>	8.00 Corona 9.30 Mëssa solëna dla comunité + don Giancarlo Bertagnolli 11.30 Bato de Lara Dapoz	1.2.15 Domènia	7.55 Corona 8.15 Gran Mëssa dla comunité 14.00 Bato de Jonathan Pezzei, Vi